

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

bibissemus, coram ipso enim gaudet mæror. Job. 41. v. 13.

Quod verò truculentiam suam exerce nequit, id Christo acceptum feramus, qui non dormit neque dormitar, Psal. 121. v. 4. sed cuius inspectio est in electis suis, Sap. 3. v. 9. quos non modò hīc in tempore gratiæ custodit, ut pupillam oculi, Psal. 17. v. 8. sed salvos quoque faciet in Regnum suum cœlestē, 2. Tim. 4. v. 18. ubi non amplius esuriemus neque sitiemus, Apoc. 7. v. 16. Sed Sol & clypeus erit Dominus, gratiam & gloriam dabit Dominus, non privabit nobis eos, qui ambulant in innocentia, Psal. 84. v. 12.

De Tertio.

RESTAT Cautela, quæ tribus absolvitur Regulis, ut sunt

I. *Deo gratias age.* Id³ Christus nos suo exemplo docet: ubi enim panes accipit, gratias agit ante Patri suo cœlesti, qui illos dederat.

Idem & nos faciamus: hæc enim est voluntas Dei ad nos. Cum comedetis & huiusmodi fueris, benedicas Domino Deo tuo, pro terra optima, quam dedit tibi, Deut. 8. v. 10. Siracides idem vult, inquires: Super his omnibus benedicito Dominum, qui fecit te, & inebriantem te, ab omnibus bonis suis, c. 32. v. 17. Paulus quoque ait: Sive manducatis, sive bibitis, vel aliud quid faciatis: omnia in gloriam Dei facite, 1. Cor. 10. v. 31. Omnia enim sanctificantur per verbum Dei & orationem, 1. Tim. 4. v. 5.

Hoc observant aves sub cœlo, quando manū a volant victum quaesituræ. Sici-

bum invenerunt & satiatæ sunt, in honorem Dei cantilenam modulantur, voce, quâ à Deo ornatae sunt.

Ecce suum titeli, tireli, teretireli trans-

Candida per vernum ludit alauda solum.

Imprimis vero Scriptura mentionem facit pullorum corvorum invocantium suomodo Deum, Psal. 147. v. 9.

Quidni & nos homines potius ante & post cibum preces nostras funderemus? qui verbo Dei instruti scimus, omnedomum bonum, & omne donum perfectum, venite desuper à Patre luminum, Jac. 1. v. 16. Mensa ab oratione incipiens, & in oratione desimens, nunquam deficeret, sed fonte largius omnia bona nobis offeret, ait Chrysostomus. Sacrificans laudem, honorificabit me, & illuc iter, quo ostendam illi salutem Dei, Psal. 50. v. ult.

De Judais scriptum est: Sedit populus manducare, & bibere, & surrexerunt lude-re, Exod. 32. v. 6. hic precum nulla injicitur mentio, propterea ita Deus benedixit illis, ut plerique prostrati sint in deserto, 1. Cor. 10. v. 5.

Pro omnibus beneficiis suis, quibus Deus nos affatim cumulat, nihil magis defiderat, quam gratiarum actionem, hanc si à mundo ingrato impetrare nequit, indignatur, nosque per Mosen affatur: Hæcine reddis Domino, popule stulte, & insipiens, Deut. 32. v. 6. Si emendamus mores, gratum est ei: Sin minus, sententia jam tūm lata est: quod non bene futurum sit beneficia non compensanti, Sir. 12. v. 3.

II. *Frugalitati stude.* Id fecit populus in

prælecta Pericope. Servator neque assatis neque carnibus, sed panibus hordeaceis, & pīciculis paucis eos cibat, attamen id magis illis arridet quam vituli & arietes delicatulis Hierosolymitanis, Esa. 22. vers. 13. Magnus ergo quæstus est pietas, cum animo suâ sorte contento, 1. Tim. 6. v. 6. In multis enim escis erit infirmitas, & aviditas appropinquabit, usque ad cholera, Sir. 38. v. 32. & seqq.

Omnis Sancti in viâtu frugalitatem observarunt, sicut videmus in Abrahamo, qui convivis suis butyrum & lac obtulit, Gen. 18. v. 4. in junioribus studiosis tempore Elisei, qui collegunt herbas agrestes, 2. Reg. 4. v. 39. In melloribus Booz, qui intingebat buccellam suam in aceto, quod in maximis delitiis habebant, Ruth. 2. v. 14. In Habacuc, qui coxerat pulmentum. Fragn. Daniel. In Baptista, cuius esca locusta, & mel sylvestre, Matth. 3. v. 4. Quin Christus ipse in diebus carnis suæ comedit panem necessitatis, non voluptatis, ut Beda loquitur. Primi quoque Christiani in agapis suis assumisisse dicuntur, Quantum pios decet, & pudicis utile est.

Hâc quoque laude à Cornelio Tacito celebrantur veteres Germani, quod cibum simplicem, lac concretum, & poma agrestia comederint: & tamen robusti & sani fuerint. Sic & de Daniele, ejusque sociis dicitur, quod à cibo leguminum apparuerint vultus eorum meliores & corpulentiores, præ omnibus pueris, qui vescebantur cibo regio, Dan. 1. v. 15.

Hoc ad instructionem nostram observemus, ut non modò contenti simus prætentibus, Hebr. 13. v. 5. sed & fragmenta, quæ supersunt, sedulò colligamus, ne quid per-

eat. Siquidem quilibet pater-familias septem sportas semper præentes habeat, ut singulis quæ convenienter imponat.

Prima *sporta* est Ecclesie, ubi quilibet cultus divini rationem habeat, ut ille conservetur, juxta illud: Prov. 3. v. 10.

Altera est scholarum, ne illæ intereant, sed anniversariè juventus adolescat, & in artibus & linguis studiatur, quod Ecclesia & Relig. in esse suo conservetur. Ubi enim scholæ negliguntur, ibi nil, nisi mera barbaries sequatur necesse est, Proverb. 29. v. 18.

Tertia est Magistratus, cui debetur tributum, Rom. 13. v. 6.

Quarta necessitatibus nostra reservetur. Tempus enim inguere potest, ubi vel infirmitate, vel senio delassati, nihil amplius acquirere possumus. Hic non exigius quæstus est, si quid in juventute comparceris, ne aliorum ope indiges. Quæ in juventute tua non congregasti, quomodo in senectute tuâ invenies, Sir. 25. v. 5.

Quinta pro liberis impleatur, quod honestè educentur, dotentur, & habeant, quod post mortem hæreditent. Si quis enim suorum, & maximè domesticorum curam non habet: fidem negavit, & est infideli deterior, 1. Tim. 5. v. 8.

Sexta est pauperum, qui aut infirmi, aut calamitati immersi sunt, & mediis necessariis destituantur, quibus se sustentent. Hos non sine auxilio relinquas. Quacunque enim illis exhibueris Deus compensabit, licet potus aquæ frigidæ saltem fuerit, Matth. 10. v. ult.

Septima est pro bono communi, ut illud in esse suo conservetur, id enim singulis conductur. Hinc Deus ad Judæos in capivitate

teat.

tate Babylonicā constitutos: Quærite pacem civitatis, ad quam transmigrare vos feci: & orate pro eâ ad Dominum, quia in pace illius erit pax vobis, Jér. 29. v. 7.

Hoc qui non agnoscit, sed quotidiè genio indulget, videat ne tandem ad stipem redigatur, ut filius prodigus, Luc. 15. v. 16.

III. Panem eſurientibus frange. Hic audi-
mus, Christum eſurientibus panes fregisse
& dedisse diſcipulis suis, ut apponenter eos
turbæ. Hoc non fortuitò factum. Hoc
ipso enim Servator innuere voluit, quando
legatos suos promisit suscepimus⁹, iisdemq;
largiti fuerimus, quibus egeni, se nos non
inopes deserturum, sed exiguis ita bene-
dicturum, ut cum illis edamus, & omnes
satoremur. Hiac factum, quod in V.T.
Israelitæ panem & polentam & spicas non
potuerint comedere, antequam Domino
de iis sacrificariint, & primitias ad Sacer-
dotes detulerint, Levit. 23. v. 10. In genere
præceptum est: Frange eſurienti panem.
Esa. 58. v. 7. seqq.

Exempla sunt, vidua Sareptana, 1. Reg.
17. v. 13. Obadias, 1. Reg. 18. v. 4. Jobus
c. 31. v. 17.

Hæc exempla & nos imitemur, ut juxta
auream Tobiae regulam, quomodo potue-
rimus, misericordes simus. Si multum no-
bis fuerit, abundanter tribuamus: Si exi-
guum, etiam exiguum libenter impertiri
studeamus, Tob. 4. v. 9.

Hoc si fecerimus, bonum opus facie-
mus, nec tam pauperibus, quam nobis met-
ipsis proderimus. Mutuò enim dat Do-
mino, qui miseretur pauperis, & retribu-
tionem suam reddet ei, Prov. 19. v. 17.

Nos erogamus terrena & temporalia, &
recipimus cœlestia & æterna, ejusmodi
thesauros thesaurizantes nobis, quos nec
ærugo, nec tinea demolitur, & quos fures
non effodiunt, nec furantur, Matth. 6.
v. 20.

Nos proximo communicamus vilem
obolum, vel frustum panis, vel pannos de-
tritus, quibus nuditatem suam contegere
possit: & recipimus gratiæ grossum vitæ
æternæ, Matth. 20. v. 8. ubi nos Christus
ad mensam cœlestem evecturus, & torrente
voluptatis suæ potatus est, Psal. 36. v. 9.
quoniam & induet nos vestimentis salutis, &
indumento justitiae aperiet nos, Esa. 61.
v. 10. ne appareat confusio nuditatis no-
stræ, Apoc. 3. v. 18. sed digni inveniamur
stare ante Filium hominis, Luc. 21.
v. 36.

Nos largimur deiis, quæ in morte relin-
quimus, & recipimus opes verissimas,
Prov. 8. v. 18. nulli vanitati subjectas, sed
quæ æternæ sunt & manent in cœlo, hinc
rectè Augustinus: *Fac bonum de bono, unde
non es bonus, ut acquiras verum bonum: quod
Christus ita explicat: Facite vobis ami-
cos, de Mammonâ iniquitatis, ut cum de-
feceritis, recipient vos in æterna taberna-
cula, Luc. 16. v. 9.* Qui enim parcet semina-
nit, parcet & metet; & qui seminat in be-
nedictionibus, debenedictionibus & metet,
1. Cor. 9. v. 6. & aliquando cum exulta-
tione portabit manipulos suos, nempe
manipulos æternæ salutis, Psal. 126. v. ult.

Quos Deus omnibus nobis largiri
dignetur, per & propter
Christum, Amen.

DOMI-